

襄陵縣志卷之四

山川

名山巨川固以別封域之分區亦以標邦國之勝概况

貨財灌溉之利于是乎在至藐姑平水千古膾炙人口

登臨吟眺為風雅之助者烏可無志

卧龍山

在縣東南四十里其巔有塔一名崇山又名太尖曰卧龍者隋時有千尺大蛇卧於其上故名今廟前古松一株大十餘圍高百餘尺枝葉扶踈如蓋蔭可數畝又古栢一株内抱槐亦大數圍皆千百年物也

襄陵縣志

卷之四

山川

姑射山

在縣西十二里三嶝山之北以姑射仙人故名莊子所謂神人居焉者

平山

姑射分支其山下出泉派分十二官河灌臨襄二縣民田建祠崇祀勅封為平水泉之神即今

之龍
子祠

龜山

在縣東三十五里卧龍山之北突然高起其形似龜故名

三嶝山

在縣西南三十里上有龍王祠巍然獨高其形三嶝

喬山

在縣東南四十五里山形峭峻奇峯如削黃帝葬衣冠處今有軒轅廟

九龍山

在縣西南三十五里三嶝山之南其山脊有九曲故名

盤龍山

在縣西南三十里山勢盤繞有游龍狀

壽星山 在縣東南四十里俗名南岱扁曰喬嶽飛峯

少石山 在龜山後有石洞相傳為子房辟穀處旁有黃石公祠

焦石嶺 在縣西一十七里其石皆紫黃色上有龍王祠每禱雨輒應

分水嶺 在縣東南四十里龜山之西南北長二十餘里

石牛嶺 喬山東北支山世傳李耳過此牛卧地化石今其石色青形如牛

摩雲頂 在盤龍山之旁知縣宋之韓於其上建真武殿

龍泉頂 崇山之支高阜處有石泉水味清冽潄夏人口飲之不涸

龍鬪峪 在縣西南二十里中有龍澗神祠世傳曾有雙龍鬪此故名

襄陵縣志

卷之四

山川

華池峪 在縣西一十五里中有石洞遇歲旱滴水如珠即雨

仙人坡 在安李村西南相傳赤脚大仙至此今石上足跡深四寸許俗呼為神仙脚

狼尾坡 在縣西南三十五里三磴山之南多石磴

赤土坡 在縣南一十里東柴村南其土皆赤故名

白石坡 在縣西南三十五里山徑崎嶇人罕至弘治十三年知縣李高開廣為大路通隰州等處商樵

便之本縣教諭劉彝有記

柳溝坡 在縣東二里汾渡之東岸

蕭公堤 係汾河西岸舊時苦水勢衝圮萬曆間知縣蕭大才砌石為長堤民咸德之邑人王應吉撰碑

記題曰蕭公堤
國朝康熙四十七年知縣宋繼均重修邑人邢以愨有碑記

白崖 在趙曲東南高阜處建文昌閣地形崿峭樹色
蒨葱為鎮之文巒

平水 在縣西北十五里平山下

汾水 在縣東一里其源出靜樂山經臨汾流入縣境
南逾太平至榮河入於河

晉水 在縣治屏霍門外其源出姑射山東入於汾

三交水 在縣東南三十里其源出崇山至興光村西合
鄧梁二水為三波紋潏遶因名

巢溪 在縣東南三十里即三交水西注至荆村入於
汾世傳巢父洗耳處又名洗耳河又名潁水旁

襄陵縣志

卷之四

山川

三

有土阜
名箕山

石盆溝 在龍泉頂畔巨石如盆形內潔水常盈人莫見
其泉源雖盛暑大旱不涸

九龍溝 在縣西南三十五里九龍山之麓

二郎溝 在縣南二十里有二郎神祠及雲幽洞邑人范
晟有記

南澗 在縣南三十九里京安鎮南接太平縣故城里
界舊有石橋於嘉靖二十一年值大水衝圯隆

慶二年知縣宋之韓砌以磐石
永為往來利云

八眼井 在縣西薛村里世相傳趙宋時村之人加姓賈
姓者謀鑿井灌麻忽白衣老人指之曰離此西

南一畝許可鑿而得水少焉白衣不見二人遂於所
指之地鑿井一眼無水再鑿亦無鑿至八眼水方出

其先鑿水亦出焉
遂通流爲八眼

滿水井 在縣東南十里魚池村一在縣東南四十里張相村其水長溢流於外夏月尤盛

丹朱泉 在縣西南景村世傳丹朱插劍於此拔而得水故名

娥英泉 在縣西南薛村里世傳娥皇女英遊於此

繫瀾泉 在縣西南浪泉村又名圓河

灰泉 在縣北二里泉底皆灰淘之不盡其水清冽異常

梅月泉 在屏霍門外晉橋東石岸下

靈泉 在縣東溫泉村其泉平地湧出匯而爲池雖旱不乾雖澇不溢鄉人以爲靈異

襄陵縣志

卷之四

山川

四

飲虹澗 在縣南二十里上有飛虹橋下通二郎溝邑人邢雷有記

形勝 附

東依崇山西據姑射汾流經其中 見山西通志

左障汾流右憑姑射前收晉絳之雄後擁洪霍之固村

墟鱗次土沃風饒 見平陽府志

南瞰絳稷之墟北憑霍嶽之雄 見舊志

十景 附

晉橋梅月 晉橋在屏霍門外其勢蜿蜒長跨南北傍橋酒樓三五橫斜舊傳仙客過飲題梅月於壁

梅影月色倒映清泉殊為勝蹟今凭欄俯瞰溪聲漱玉猶有翛翛仙風

三嶝雲峯

山形峭立高出雲表緣級而登儼若身依霄漢其間雲生多雨昔人有未雨先占嶺上雲

之句

卧龍靈應

龍神祠隱深隈山勢旋抱一逕迤邐曲通祠前橡林蒨蔚異鳥羣喧一值其下令人輒欲

十日坐卧歲旱邑人及鄰封禱雨響應

汾流晚渡

汾流遶城東郭石堤環帶柳陰夾岸夏秋綠濤瀾翻晚霞流照而四圍山色如黛如螺行

人儼在畫圖之中

巢溪春漲

巢溪環箕山之下溪旁碧草鋪茵綠楊垂線水中石子如鱗而潺潺細響聆之耳根清徹

襄陵縣志

卷之四

十景

五

飛虹雨霽

城南孔道橋曰飛虹其地兩岸陡絕澗深百尺橋木憑虛橫架支柱互倚莫辨杓鑿痕上

覆通閣巍峩宏敞有雨捲雲停蜿蜒行空之狀世傳魯公輸氏所構想以其巧故云

龜山晴雪

山脊聳起石紋橫織古栢叢生綠翠如毡凌晨雲烟堆嶺日光掩映望似霏霏玉屑躋嶺

俯覽諸村堡歷落棊置而汾流僅一衣帶可稱巨觀留侯憩息其間洵有取爾

平水拖藍

平水發源姑射之麓其泉皆蜂洞蓮房濬之斯出穿澗遶溪千派萬壑悉成錦紋綺縠所

云水向石邊流出冷若為此境言也

龍澗雙闕

域內勝槩不險不奇茲雙闕高峙嶽崎洞豁儼似閭闔對列令人不敢逼眎昔有謂二龍

盤旋其上時見石髓靈液浸漬壁間如此韞奇含珍自應符合非可埒為幻說

十里荷香

郭外迤邐而南泊柳林一帶蛙畦水町聯如倉版夏月芰荷盛開紅粉散錦綠蓋擎珠

行人徜徉其旁香風襲裾卽謂之北地西湖亦無不可

渠汧津梁

附

南橫渠

在縣西南五里其源出平水泉灌本縣東柴等里田二十三頃有餘俱東入於汾

中渠

在縣西南二里源出平水泉灌本縣崇仁坊等田一十七頃有餘

高石河

在縣北二里其源出平水泉灌本縣北水關等里田七頃四十餘畝東入於汾

李郭渠

在縣北二里源出平水泉灌本縣廣智坊等田一十頃有餘

沙渠

卽練溪泉在縣南三十五里接太平縣界灌本縣劉村等里田二百餘畝東入於汾

襄陵縣志

卷之四

渠汧

六

賈朱汧

在縣南三十五里其水出鄉寧豁都峪灌賈朱等村田七百餘頃

洞子汧

在縣南三十五里其水出鄉寧豁都峪汧舊壅塞宏治十四年夏知縣李高令疏通之灌賈朱

等村田四十餘頃

西王汧

在縣西南四十里水出自豁都峪灌西王等村田五百餘頃

關良汧

在縣西南四十里其水出鄉寧豁都峪灌京安等田八百餘頃其下流司馬等村汧經官路值

大水崩塌弘治十四年知縣李高令築堤堰水利遂通

馮溝汧

在縣東南二十五里其水出浮山縣界灌趙曲等里田六百餘畝弘治二年知縣張文佐令加

疏通後歲久壅塞嘉靖三十八年知縣侯廷柱復加疏濬建橋民深利之立祠志德吏部文選郎中王與

齡有
記

阡陌汧

在縣東南三十里其水出龜山下灌小郭南梁鄧庄等村田

雀水汧

在縣南三十五里其水出三嶝山後灌北戍等里田三百餘畝弘治十四年知縣李高就上構橋往來便之

焦家峪汧

在縣東南五十里其水出卧龍山灌陶寺等村田五百餘畝

長泊澗

在縣東南二十五里其水出浮山峪灌南梁西梁等村田

牛角汧

在縣東南二十五里其水出浮山峪灌南梁等村田

小石澗

在縣東南三十五里其水出龜山峪灌西鄧戶等村田六百餘畝

襄陵縣志

卷之四

渠汧

七

晉橋

在縣治北屏霍門外宋嘉祐六年建嘉靖年知縣趙希益覆以過亭衛以邊攔舊橋邊酒家有梅月之景萬曆癸丑水漲衝毀甲寅知縣馬逢臯重修有碑記順治九年加通廓杰然偉觀邑人喬堯仁

有記

高石橋

在縣北二里接臨汾縣界

飛虹橋

在縣南義店村元至大中建正統五年知縣張柔重修弘治十一年知縣李高疊加補葺邑人

邢雷
有記

龍飛橋

在縣西南龍澗峪元貞二年建

我山橋

在龍澗峪隆慶元年知縣宋之韓建

遺愛橋

在縣東南鄧庄元大德六年里人鄧貞等建世傳晉鄧攸嘗建此名愛橋後知縣李高重修改

名遺
愛橋

汾濟橋

在縣東郭村渡弘治十二年秋知縣李高因汾渡冬橋夏舟歲費百鎰乃架木跨岸為高橋人

不病涉歲久浸壞天啟元年知縣衛先範復做前制建善則橋有碑記可為永利惜後廢迄今仍以木架橋知縣趙懋本心甚憫其費議欲捐俸為浮橋計

通惠橋

在縣南四十里京安鎮接太平境弘治五年知縣張珣創建橋北有樓宏治十四年夏大水衝

圯知縣李
高重修

郭村渡

在縣東一里

襄陵縣志

卷之四

渠汧

八

北陳渡

在縣東南五里

東徐渡

在縣南一十五里

大陳渡

在縣南二十五里以上四渡俱汾水岸